

MANIFÈST PACTE NACIONAL PETH REFERENDUM

Era consciència nacionau e era volentat d'autogovèrn deth pòble de Catalonha a indubtables arraitzes istoriques, ancianes e prigondes, e s'a manifestat reiteradament ath long deth temps. Aué, Catalonha ei integrada en Estat espanhòu, que, per innegables arrasons d'istòria, lingüistiques e culturaus, ei plurinacionau, a despièr qu'es sues estructures politiquas non le reconeishen atau.

Eth desir de Catalonha de decidir eth sòn futur politic ei cada viatge mès evident deuant deth mon, enquiath punt de vier ua aspiracion sostenguda qu'amasse aué era volentat dera majoritat dera sua poblacion.

Demiei es drets essenciaus e inalienables des societats democraticas, s'arreconeish eth de decidir eth sòn futur politic. Aqueth dret ei eth que sosten era demana d'ua majoritat de ciutadanes e ciutadans de Catalonha, que vòlen materializar-le mejançant un referendum.

Manifestam qu'era volentat d'expression des catalanes e des catalans mejançant un referendum ei majoritària e transversala; e coerenta damb era determinacion civica, pacifica e democratica qu'an exprimit es multitudinàries mobilizacions dera societat organizada a favor deth sòn dret de decidir.

Afirmam qu'er actuau encastrè juridic espanhòu, atau com ac an defenut expèrts en dret constitucional, permet era realizacion d'un referendum en Catalonha acordat damb er Estat. S'aquera possibilitat non s'a dubèrt enquia ara, a estat per manca de volentat politica des govèrns d'Espanha. Eth dret, pr'amor qu'ei susceptible d'interpretacions diuèrses, a d'èster comprenut com un esturment entà trapar solucions democraticas as problèmas politics e non tà crear-ne de nauèri o entà agreujar es existents.

Es personas, entitats, organizacions e institucions que signam aquest MANIFÈST compremem eth referendum com ua airina privilegiada d'aprigondiment democratic que permet eth debat politic plurau, era recèrca de consensi e era adopcion finau d'acòrds eficaci.

Cossent damb tot açò:

Instam es govèrns de Catalonha e der Estat espanhòu a superar es dificultats politiquas e es apriorismes, e a arténher fin finau er acòrd qu'establisque es condicions e es garantias justes e de besonh entà celebrar un Referendum arreconeishut pera comunautat internacionau, qu'eth sòn resultat aurà d'èster politicament constrenhent e efectiu.

Arreconeishem eth Parlament de Catalonha coma era institucion democratica on se manifèste era volentat populara deth país. Per aquerò sostiem es iniciatiues e es acòrds que i gesquen entara articulacion d'aqueth Referendum.

Manifestam era conviccion qu'eth referendum ei ua airina inclusiva que permeterà era liura expression des diuèrsi posicionaments qu'es ciutadans e ciutadanes de Catalonha an exprimit devèrs era relacion politica de Catalonha damb er Estat espanhòu.

Afirmam qu'era cultura democratica reclame solucions politiquas as problèmas politics. E ac hèm en tot aperar ath mecanisme fonamentau que dispausen es societats modèrnes: era coneishença e era validacion dera volentat dera majoritat deth pòble que s'exprimís damb eth vòte.

Aqueth referendum qu'a de propiciar que totes es personas se senten cridades a participar-i. Per açò qu'ei de besonh un debat escrupulosament democratic, plurau e en egalitat de condicions entre es legitimes opcions qu'aué se manifèsten en Catalonha.